

— Խնդրեմ, իշխան, ինչպե՞ս:

— Այս նաւակներէն մէկը կը կանչես՝ կը մտնես եւ կ'երթաս սա դիմացի ծովեզրը փոքրիկ եկեղեցուն թովի պալատը, կ'ըսես, որ Թեոդորոս Ռշտունուն կողմէն կ'ուզամ՝ Ստրատելատին հետ պետք է տեսնվիմ, վայրկենին քեզ իրեն առաջը կը տանին, կը ցցնես այս նաւը, կ'ըսես թէ Ռշտունին հոն է շղթայակապ եւ կը խնդրէ, որ ինձ հարիւր ոսկի տաս:

— Եւ այդպէս հարիւր ոսկին ինձ կուտածն,— հարցուց երիտասարդը աչքերը մեծ-մեծ բանալով:

— Եթէ դեռ ուշանաս՝ Ստրատելատ կելնէ կ'երթայ, եւ ետքը իմ գալս երբ ուրիշէն իմանայ դու հարիւր ոսկին կը կորցնես: Իսկ եթէ հիմա երթաս, հարիւր ոսկին եթէ ինք չի տայ՝ ես քեզ երկու հարիւր ոսկի կ'ուտամ:

Վայրկեան մը մտածեց տղան, բայց շատ չուշացաւ՝ ցատկեց նաւակ մը, եւ երբ ելաւ ծովեզրեայ պալատը, իրօք Ռշտունուն անունը տալուն շատ չանցաւ՝ հանեցին զինք ծեր զօրավարին առջեւ, որ նոյն ինք Թեոդորոս Երիզացին էր: Կը պատրաստուէր նոյն վայրկենին արթունիք երթալու, երբ «Շղթայակապ այդ նաւուն մէջն է» ըսաւ տղան, ծեր Ստրատելատը ցատկեց տեղէն՝ եկաւ պատուհանին թով եւ չկարենալով հաւտալ, դարձեալ կը հարցնէր թէ իրօք այդ նաւուն մէջն է շղթայակապ: Իսկ երբ երիտասարդ զինուորը կրկնեց նոյն պատասխանը, ծայն տուաւ ծառաներուն եւ հրամայեց շուտով իւր նաւակը պատրաստել ու ինք սկսաւ իջնել սանդուխներէն:

— Բայց զքեզ չուզեց այդ հայ իշխանը, Ստրատելատ,— ըսաւ տղան,— այլ միայն ինձ հարիւր ոսկի տալ խնդրեց:

— Դու այստեղ նստէ, ետքը կառնուս քու ոսկիներդ,— դու ուստի՞ց ընկերացար Թեոդորոսի:

— Ես Երիզայ բանակին մէջն էի, երբ Թումայ զօրավարը հայը կապել տուաւ, եւ մեր գունդին հրամայեց, որ մինչեւ հոս բերենք զինքը եւ յանձնենք Վաղենտինոսի:

— Այ՛ս կերպով կ'իմանայ Թումայ իր պաշտօնը. անմիտ...

— Իսկ հայը ինձ ըսաւ, թէ գնա հարիւր ոսկի ուզէ իմ անունովս: